

জাতীয়

৬২১ কারিগরি প্রতিষ্ঠানে শিক্ষার্থী ভর্তি বন্ধের নির্দেশ

প্রতিবেদক: ঢাকা প্রোব ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



বাংলাদেশ কারিগরি শিক্ষা বোর্ড

দেশের ৬২১টি কারিগরি শিক্ষাপ্রতিষ্ঠানে নতুন শিক্ষার্থী ভর্তি বন্ধের নির্দেশ দিয়েছে বাংলাদেশ কারিগরি শিক্ষা বোর্ড। একই সঙ্গে এসব প্রতিষ্ঠানের পাঠদানের অনুমোদন কেন বাতিল করা হবে না, তার ব্যাখ্যা চাওয়া হয়েছে। আগামী সাত কর্মদিবসের মধ্যে জবাব দিতে বলা হয়েছে প্রতিষ্ঠানগুলোকে।

গতকাল বৃহস্পতিবার বাংলাদেশ কারিগরি শিক্ষা বোর্ড এ বিষয়ে একটি অফিস আদেশ জারি করেছে। তালিকায় থাকা প্রতিষ্ঠানগুলোর মধ্যে এসএসসি (ভোকেশনাল) শিক্ষাক্রমের ৪৪৩টি এবং দাখিল (ভোকেশনাল) শিক্ষাক্রমের ১৭৮টি প্রতিষ্ঠান রয়েছে।

অফিস আদেশে বলা হয়, দীর্ঘদিন ধরে এসব প্রতিষ্ঠানে কোনো শিক্ষার্থী ভর্তি হচ্ছে না। তাই ২০২৬-২৭ শিক্ষাবর্ষ থেকে ভর্তি কার্যক্রম স্থগিত করা হয়। পাঠদানের অনুমোদন কেন বাতিল করা হবে না, সে বিষয়ে গত ২২ জুলাইয়ের মধ্যে ব্যাখ্যা চেয়ে অনলাইনে নোটিশ দেওয়া হয়েছিল। কিছু প্রতিষ্ঠান জবাব দিলেও বাকি প্রতিষ্ঠানগুলো এখনো কোনো ব্যাখ্যা দেয়নি।

এ পরিস্থিতিতে জবাব না দেওয়া প্রতিষ্ঠানগুলোকে আগামী সাত কর্মদিবসের মধ্যে লিখিত কারণ দর্শাতে বলা হয়েছে।

অফিস আদেশে আরও উল্লেখ করা হয়, বেসরকারি কারিগরি শিক্ষাপ্রতিষ্ঠান নীতিমালা-২০২৪ অনুযায়ী নির্দিষ্ট শর্ত পূরণে বাধ্যবাধকতা রয়েছে। শিক্ষার্থী ভর্তি, অবকাঠামো, শিক্ষক ও কর্মচারী নিয়োগ, আসবাবপত্র ও প্রয়োজনীয় যন্ত্রপাতির মতো শর্তগুলো না মানলে সরকারের অনুমোদনক্রমে সংশ্লিষ্ট প্রতিষ্ঠানের পাঠদানের অনুমতি বাতিল বা প্রত্যাহার করতে পারবে কারিগরি শিক্ষা বোর্ড।

অফিস আদেশের পাশাপাশি শাস্তির মুখে পড়া এসব ৬২১টি প্রতিষ্ঠানের তালিকাও প্রকাশ করেছে বোর্ড।

এ বিভাগের আরও খবর



কর্ণফুলীতে মাইক্রোবাস-কার্ভার্ডভ্যান সংঘর্ষে নিহত ৪
চট্টগ্রামের কর্ণফুলীতে মাইক্রোবাস ও কার্ভার্ডভ্যানের মুখোমুখি সংঘর্ষে চারজন নিহত হয়েছেন। এ ঘটনায় আহত হয়েছেন অল্পত ১১ জন। আহত ব্যক্তিদের মধ্যে...



ফেনীতে প্রধানমন্ত্রীর সফর স্থগিত
প্রধানমন্ত্রী তারেক রহমানের আগামী ১৭ সেপ্টেম্বর ফেনী সফর স্থগিত করা হয়েছে। অক্টোবরের প্রথম সপ্তাহে প্রধানমন্ত্রী ফেনী সফর করবেন বলে জানিয়েছে...



নতুন গ্যাসক্ষেত্র অনুসন্ধানে শেভরনকে বিনিয়োগের আহ্বান প্রধানমন্ত্রীর
দেশের জ্বালানি নিরাপত্তা জোরদার ও ক্রমবর্ধমান চাহিদা মেটাতে যুক্তরাষ্ট্রবিশিষ্টক আন্তর্জাতিক জ্বালানি কোম্পানি শেভরনকে আরও বেশি বিনিয়োগের আহ...



পাকিস্তানের সঙ্গে ব্যবসা-বাণিজ্য ও শিক্ষা সহযোগিতা বাড়ানোর আহ্বান রাষ্ট্রপতির
পাকিস্তানের সঙ্গে ব্যবসা-বাণিজ্য ও বিনিয়োগ, বিমান যোগাযোগ, শিক্ষা ও প্রশিক্ষণসহ পারস্পরিক স্বার্থসংশ্লিষ্ট বিভিন্ন ক্ষেত্রে
সহযোগিতা আরও জোর...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/national/621-karigri-rtishthane-shiksharathi-bhrti-bndher-nirdesh>